

溧陽縣續志



溧陽縣續志卷三

河渠志

水利

水利視形勢爲增損溧陽東面直達宜荆西南北三面皆崇山峻嶺列若環堵惟西南衿高渚蕪湖宜歛諸水合流奔赴爲害滋甚自五堰下壩成此患以息然濬治不時則易澇而旱道光間縣西三塔昇平南渡諸蕩支流壅闕灌溉無資馬場里薛某與里之嗜義者驟錢鳩工於塹口上下一律疏濬農不病旱事聞於長官獎勵有差此庚申以前信而可徵者也

戴埠大河自新橋澗口至於分水墩沙淤水淺舟楫難行同治十二年知縣朱駿重濬凡五百九十六丈謝達渰卽前馬蕩宋末厚村里處士謝達疏渰有功因以其名名之元進士僕列簾有達公疏渰碑記經兵燹後各港口日漸淤塞光緒丁亥戊子間復事疏濬富者輸錢貧者輸力舟楫灌溉之利民甚賴焉

塘堰

并諸陂壩

五里橋閘南達黃山湖北達南渡大河橋下視水消長爲啓閉與大溪河堰同時建

水利閘在永泰葛家村東明末諸生葛日新建遞年修築完固如初

永龍閘在永泰西莊村南距縣四十里

胡橋兩石壩距縣十八里南達石坵荷葉諸壩北達扁擔河龍盤大石諸山水所必經水盛砂壅與壩並高重爲農田害咸豐初東面塞至長圩之轉水潭西面塞至大圩之木馬港東河陶家埠西河陳家埠舟楫不通乃履畝輸資以濬之東西各築一石壩以避砂害以通水利是役也國子監生陶青綬陳德新與有力焉

大溪河壩在縣西南築於明萬曆十七年陸程距城三十二里水程距城六十三里南爲盤白山北爲黃山湖緣湖以南沿山濬河爲大溪河以濬河之土累而成堤爲大溪壩自下瓦灘大石壩始至沈笪橋止壩形數里一灣綿亘十餘里高五丈餘濶三丈二丈不等凡西面

共七壩東面共十三壩大溪源出伍牙山以次受南山四十八澗水而合於盤白山歧爲二支一西南流一東南流並入於溪縣東北明西以下利害所繫其始淫雨激湍氾濫爲災近湖數十里幾無田疇村落壩旣成湖內墾田凡八千餘畝南嚮高田亦資灌溉蓋溪西流折而北途紆而勢殺故不爲災云道光二十一年二十九年等壩毀二三丈西北復爲澤國兵燹後悍流衝擊椿石半損光緒己丑邑人繪圖貼說上之大吏以費鉅不果行

附修復東壩記略

東壩非溧陽地然有之則利無之則病不得謂無與於溧陽也况壩

之築由邑人陳嵩九所請耶爰
歷叙始末著於篇俾來者鑒焉

道光二十九年夏上江大水五月二十六日高涇金堡
圩民盜掘東壩蘇松常鎮諸府遂成巨浸溧陽首當其
衝縣紳同常州紳陳之總督總督檄常溧紳董其役溧
則董揚才主之上江石工南陵人築西頭下江石工溧
陽人築東頭其中合龍處則上下江同築會董以事歸
代者爲方瀛方故徽產徽人某屬於合龍處兩石壁中
以三和土填之壩益堅三和土者曰黃土曰石灰曰砂
合而擣之和以米汁徽人用以治墓者也壩旣成縣之
在事者凡數十人並實事求是頗有神於桑梓云咸豐
元年正月二十八日內閣奉

上諭陸建瀛等奏修復東壩情形一摺江蘇高涇縣境之東壩

溧陽縣續志

卷二

河渠志 塘邊

三

爲下游蘇松等處之保衛經該督飭委官紳確勘高下酌量
丈尺估需銀一萬八千兩均由該處下游各府紳民分別捐
辦洵堪嘉尙此項卽着免其造冊報銷再東壩本係官築並
非民產高涇縣民自不得藉口世業圖建房屋卽着嚴行申
禁嗣後永遠不准在勘定壩基南北十二丈之內蓋屋搭棚
如實有完糧憑據卽由高涇縣查明豁免其應行建復廟祠均
飭於岸上購覓隙地蓋造該督等當嚴申禁令妥爲保護以
息水患而杜爭端欽此

修復東壩碑記自經兵燹記之前半
殘缺不可讀自壩旣成以下幸當日

在事諸官紳姓名未盡湮沒亟照錄之以資考證。壩
旣成以溧陽營都司就近監守重舊防也建周文襄公
入陳處士祠不忘本也允宜勒石以垂悠久凡築壩缺
壩頂寬一丈六尺缺外缺二寸凡用銀一萬八千兩庚
戌春三月葺工購料監工者侯補知府陳延恩溧陽訓
導余汝仰廣通巡檢缺立榮暨高涇縣知縣向柏給溧

陽縣知縣蔡世佑紳士則余保純杜紹祁等實主其議
史錫慶缺董揚才楊燦缺王郁史鳳池方德肇呂大鏞
周澧潘紹良周懷彬方瀛趙仁治虞西雍呂復元朱干
達史際昌狄君三先築土壩攔水凡用銀八千兩捐資
者河南同知張漢督理者江甯府知府缺照揚州府知
府署常鎮通海道吳葆晉安徽太平府知府傅繼助溧
陽營都司生麟也繼築下壩撥作東壩餘銀五百兩不
足則勸捐以集事凡用銀四千兩缺督者廣通司巡檢
王缺瑞總其成者高涪縣知縣章乃登及蔡世佑也例
得備書是為記時咸豐元年夏四月兩江總督沔陽陸
建瀛撰。余宰溧之二年夏五月大水邑中田廬半淹
僉稱治西高涪境東壩被掘若有鄰國為壑之懼適余
下車未久心雖倥偬猶未悉壩上之情形也旋奉督憲
陸制軍委員趕築土壩至七月工竣下游乃得漸安後
又疊奉憲檄飭余彙修石壩乃於九月朔偕集紳董履
勘其地觀其山勢自南而北迤邐綿亘十餘里倘無子
胥之鑿是無待壩為也至其既鑿後水勢遙接上江建
飯下注兼納宣歙諸水直達太湖使無以鍵束之即蘇
松常鎮太罔勿衝激何論溧也然則既鑿之而復築之
壩之關係誠大矣嘗考東壩始設於唐由宋而元而明
其時溧陽處士陳嵩九蘇人吳相五江蘇巡撫周文襄
鎮江判齊濟周奏請加築立法綦詳而其源悉本於蘇

溧陽縣續志

卷三

河渠志 塘邊

四

文中上宜興進士單錫吳中水利書於仁宗朝可其奏
而上下游之利害輕重益明則是壩宜築不宜開洵非
頑梗不法所得壞其制貽之害也抑又在昔築壩之舉
鳩工取材皆發內藏今因蘇省全災庫支告乏一應捐
之於民是同一築壩而捍患之心急公之義今之民又
遠勝於昔之民矣壩成董來請記之余謝未遑乃固請
曰高涪分於溧水溧水前合溧陽東壩固溧陽舊地也
則侯亦有父母斯民之責也且督修之勞勸捐之力侯
又始之終之尤當明白闡揚以垂不朽余乃畧誌其顛
末焉咸豐二年歲次壬子知州銜知鎮江府溧陽縣事
酉陽蔡世佑
撰書立石

